

INSTITUT D'ESTUDIS OCCITANS [SECCION REGION PARISENCA]

14, carrèra de Nanteuil - 750 15 PARIS

DOCUMENTS TARA ACAMPADA GENERAU DETH 17 DE JUNH DE 1983

DOCUMENTS INTERNES *A.F.E.C.O. 177, me de charoim. 19°*
Paris

RAPORT D'ACTIVITAT 1982-1983.

PROGRAM D'ORIENTACION 1983-1984

ORGANIGRAM DE I.E.O.-R.P.

RAPORT D'ACTIVITAT 1982-1983

Enter era fin de prima e'th cap d'estiu qu'ei, per tradicion, eth moment deth bilanç dab era ocasion dera acampada generau dera nosta seccion.

Alavetz, n'escaparam pas ad aquera tradicion.

Atau, eth CA eligit en junh 1982 qu'a miat era nosta seccion ua annada ja. Sonque ua annada d'aplicacion deth program votat pera acampada generau e qui amuishava ua direccion e d'objectius.

Alavetz que cau presar aqueth tribalh d'ua annada au par deth program votat.

Que cau ripelà's: objectiu generau: tribalhar ara presa de consciéncia d'Occitans despatriats a París e'ra soa region. Donc, eth noste tribalh e'ths objectius dera annada que devèvan miar de cap ad aqueste objectiu.

De segur, IEO-RP dens eth estat de junh 1982 n'ac podèva pas aténher completament de tira. Qu'èra necessari de passar per ua pausa de cambiament, de transformacion. Açò que vòu díser necessitat de bastir un utís capable de tribalhar tà bastir e desvelopar ua consciéncia occitana.

Quina fôrma que's devèva préner aqueth cambiament? Eth program qu'ac endicava: desvelopar eths sectors, arrecèrca, talhers, animacion, pausar era question de formacion, estructurar era seccion, ecà...

Qu'era escrit ath cap deth program: "Era definicion d'aquestes objectius que dèu permiti'ns de mesurar era avangada deth noste tribalh". Donc, dab eth espiar suth program que vam véier s'a pravaç eth noste tribalh.

A) En prumèr que's parla d'arrecèrca:

Que i avè endicat: "Qu'ei endispensable qu'ua seccion deth IEO e mie ua activitat d'arrecèrca vertaderament."

Ara, enfin, que's pèt díser que i aja un grop d'arrecèrca dens IEO-RP. Que s'organisa autonòmament. Qu'amassa de cap a 7-8 personas. Qu'a eras seas pròpias acampadas e que desvelopa relacions de cap a exterior. Que tribalha tà hèr un centre d'arrecèrca arreconeishut, un dia, peth monde d'arrecèrca.

Qu'a causit de tribalhar a perpaus dera question d'exilats occitans a París e'ra soa region en tornar préner un tribalh dejà començat, e d'ajudar ua membra deth grop tà miar dinc ara fin era soa pròpia arrecèrca de sociò-linguistica. Un apèu d'òfre deth Ministari de Cultura a perpaus d'arrecèrcas ar'entorn de patrimonni qu'estó gahat tà despausar dus dossièrs.

Eth grop d'arrecèrca qu'a balhat ua responsa tàra manifestacion "Expo-langues en fèrma d'article enviat tà prensa.

Qu'a organisat ua rencontra dab un membre deth PCF, Rogèr Martelli, autor deth libe "La nacion".

Enfin que cau signalar que s'a ligat dab quauques representants Bretons, Catalans, ecà...

Que's parle tanben d'ua brocadura científica. Plan partit atau, de segur que i aja besonh d'un instrument tà hèr conéisher estudis.

Que cau soslinhar eth bon partir d'aqueth sector centrau dens IEO-RP.

B) Après arrecèrca qu'endicava eth program, formacion:

N'ei pas possible de díser enquèra que formacion e sia un sector. Alavetz, qu'estó decidit de hicar en plaça ua comission. Ara entrada de seteme qu'estó pausat aqueth problèma. Eth tribalh qu'estó balhat tà un membre deth CA qui començà de trobar rensenhaments. Tot aquerò que necessità drin de temps, sustot que n'i avosse pas brica de responsa. Alavetz que prenom era decision de contar suras nostas pròpias hòrças e de préner en carga tot sols aquera question navèra medish dens IEO sancer.

Eth responsable que perpausà un rapòrt voluminos tàra discutida pendent un dimenge de vrespe.

Tot aqueth tribalh qu'ei necessari tà treitejar aquera question e atau preparar un sector qui deveré estar prest tàra annada qui ven.

Que's vei que IEO nacionau e's pausa tanben eth medish problèma. Donc, ua question d'actualitat, e IEO-RP n'ei pas en retard. Açò que dèu estar arremarcat mès. n'ei pas ua arrason tà endromí's. Era discutida que començà dab un rapòrt, aquera fèrma de tribalh a seguir que correspon a ua amelhuracion deth tribalh, un tribalh serios.

C) Que's parlava tanben de talhers:

Que's debanàn com decidit. Aumentacion deths oraris, passatge de 1 àra de cap a 1 òra 30. Tradicionalament eth cor de dança qu'atira de monde. Augan tanben que'n atirà.

Eths cors de lenga que son drin diferents. Mens de monde pr'amor dets tribalh necessitat. Eth cor de lengadocian qu'amassà de monde, un dètzenat de personas. Eth cor de gascon que'n avó ath cap, mès eth nombre que caió ara prima.

N'i avó pas de cor de provençau, e'th limousin que's debanà en dehòra de IEO-RP mès dab membres dera nosta seccion totun. N'i avó pas de cor de cant per manca de cantadors, malurosament...

Eth grop de musica qu'estó present dens taulejadas e ua animacion dens un ostau PTT.

Eth teatre n'a pas fonccionat, era responsabla avent deishat aquera activita mès ara prima que's torna vèder dab ua responsabla navèra qui espèra actors.

D) Animacion qu'era eth aute gran punt deth program:

Que cau arremarcar dens aqueth sector de randolejadas qu'estón organisadas dab ua bona regularitat. Qu'amassàn de monde. Ua hèsta dab Bretons, Catalans, ecà... que dèu estar organisaada ath cap de junh.

Eras taulejadas que's debanàn tot mes. Se n'i avó pas tròp de monde peras taulejadas abans e après eras vacanças d'estiu, pendent eth ivèrn eth nombre de personas dens eras taulejadas qu'a pojat viste.

Davant quauquas dificultats pausadas peth director navèth deth CEP que decidim de cambiar de sala. Qu'estó hèit en abriu e aquera sala qu'ei mens cara de mieitat.

Un debat en colaboracion dab "Dralhas" qu'estó organisaat dab la participacion de Maclof, e un aute ath Centre Valeyre dab la venguda dera espausicion "Mila ans de literatura occitana". Enfin ua Conferéncia qu'avé luèc en çò d'ecologistas.

E) Librarià:

Eth CA que decidí de balhar tàth sector Librarià 1000F tà crompar libes, brocaduras e disques.

Qu'a plan fonccionat, qu'estó actiu tà assegurar ua preséncia d'obratges occitans a "Expo-langues", "Salon du Livre" e tà ua espausicion de bandas dessenhadas.

F) Radiò:

Aquera tòca qu'estó miada a "Radiò-Païs" e a "Radiò-La Boucle". IEO-RP qu'ei membre fondator de "Radiò-Païs", radiò enter-minoritats desrojada en junh 1983 per 103.10 MHz. Que i avó un representant de IEO-RP ath CA de "Radiò-Païs" e participacion aras emissions, participacion tanben a emissions de "Radiò-La Boucle", ua aumentacion deths oraris, 3 èras tot mes, que dèu hè's.

G) Butletin:

Un comitat de redaccion que s'a format. Qu'estó decidit d'amelhurar eth Butletin. Açò que necessitava materiau d'arreprouccion. Davant dificultats de pretz, medish en colaboracion dab VVAP n'i avó pas sonque 1 numerò. Aqueth, pagat 1000F ath CICP serà seguit d'autes quan sia trobat ua solucion ara question d'arreprouccion, question qui n'interessa pas sonque Butletin mès IEO-RP sancer

e cada sector. Que cau préner problèmas per òrdi.

H) Ligar:

Ath contrari deth Butletin, Ligar que s'i escadó. Que sortí regularament tot mes. Qu'estó servit per un acòrd dab ua vueita de rotatge que'ns balhà un servici hèra plan tà nosauts.

I) Preséncia de IEO-RP entà exterior:

En pravar dens era organisacion e fonccionament, qu'estó possible de començar d'estar present entà exterior.

Qu'estom presents ara CAORP, a tota acampada.

Quate personas de IEO-RP qu'assistín ara rencontra dab Cotolí. Un representant dera nosta seccion qu'èra dab era delegacion de DPLF ath Ministari d'Educacion nacionala. Tribalh tàra preséncia de libes occitans e occitanistes a "Expo-langues" e "Salon du livre".

Participacion ath Centre Valeyre tàra espausicion "Mille ans de littérature occitane", d'ua conferéncia seguida d'un desbat.

Participacion a ua animacion dens un ostau PTT. Sura nosta perpausacion, acampada CREO alarjada entàras organisacions occitanas dera region parisena, tà enviar ua adreça tàth Colectiu Occitan abans era soa acampada.

Ua letra enviada tà prensa peth grop d'arrecèrca.

Duas letras qu'estón enviadas tàth Ministari de Cultura tà demandar ua acampada a perpau deth Rapòrt Giodan. Preparacion de contacts dab autas nacionalitats entà ua demarcha amassa tàra question.

Rencontra IEO-RP-VVAP(RP) tà activitats comunas.

Un dossièr tà demandar ua subvencion qu'estó enviat tàth Ministari de Cultura, seguit tot mes per còps de telefona tà seguir eth devièner deth dossièr. Dossièrs (2) deth grop arrecèrca.

Organisacion dab VVAP d'un aperitiu-desbat dab eth sociològ Maclof.

Organisacion d'ua hèsta, a partir dera nosta perpausacion, dab Bretons, Catalans, ecà...

Enfin participacion a tres acampadas generaus de IEO nacionau. Sonque tres pr'amor de despensas de viatges. A perpau d'aquera question ua letra qu'estó enviada tàra direccion nacionau tà demandar que i aja un partatge deras despensas de viatges e tà díser eth noste desacòrd contra era faïçon d'augmentar escotissons.

J) Estructuracion dera nosta seccion:

Era condicion prumèra tà aténher eths nostes objectius qu'èra de bastir un utís tà miar un tribalh eficaç e plan organisat de cap a Occitans.

Açò que necessitava ua estructuracion dera nosta seccion. Qu'estó hèit!

E adara que's trèba sectors dab ath cap de tot sector un responsable.

Atau IEO-RP que pòt semblà's a ua organisacion vertadèra medish se i a de causas a amelhorar. Açò qu'ei la garantia d'ua melhora presa en carga de tribalh, la possibilitat d'ac partatjar e atau de'n hèr mes. Aicí que cau parlar deth CA, ar'empach d'aqueth cambiament. Eth CA qu'ei un punt hèra positiu. Qu'estó ua bona enstància de direccion, dab era participacion de hèra de monde.

Eth Burèu qu'a fonccionat dab mens de regularitat.

Ath latz de tot aquerò qu'estó hèit un tribalh de "regularisacion" dera nosta seccion:

- regularisacion ath arràs deras autoritats dera Prefectura: n'èram pas en règla. Ara eths nostes papèrs que son regularisats: adreça, membres deth CA, President, ecà...
- regularisacion ath arràs dera Banca, signaturas, adreça navèra.
- Ua assurance qu'estó presa tà estar cubèrts dens eras nostas activitats.
- Qu'èra necessari d'aver ua adreça oficiau e ua vueita tà arreceber eth noste corredor. Tot aquerò qu'èra ua condicion tà hèr expandiment e tà hè's conéisher. Qu'am trobat eth CIOF e de mes qu'am ua permanéncia telefonica.

Alavetz tà miéllher presar eth noste tribalh d'augan que cau véier çò de positiu e çò de negatiu.

Çò de positiu:

Qu'ei era realisacion deras linhas granas deth program. Sustot qu'ei era avançada ath nivèu d'arrecèrca e formacion, condicions deras mes importants tà participar ara construccion e'th desvelopament dera conciência occitana deths Occitans despatriats de París e dera soa region. Açò que dèu respóner ara tòca vertadèra e prumèra de IEO. En efèit que cau tornar balhar tà IEO-RP eth son ròtle vertadèr d'associacion d'estudis e atau balhar ua contribucion tàra avançada deth moviment occitan. E IEO-RP qu'i dèu participar sancerament.

Un aute punt positiu qu'ei era estructuracion de IEO-RP, un CA vivant, de sectors e de mes de responsables de sectors, un tribalh collectiu qui ei vadut e qui's desvelopa. Tà bastir ua organisacion vertadèra, capabla de miar d'accions de hèr un tribalh de longa durada, que i a besonh d'ua presa en carga collectiva deth tribalh, un grop qui dèu estar tostemps alarjat. Açò que s'inscriu dens ua politica de cadres que tota organisacion e dévia balhà's.

Eth tresau gran punt positiu qu'ei eth cambiament generau dens IEO-RP

, un esperit militant qui vad doçament. Aqueth esperit navèth que's vei dens la participacion hèra importanta de monde ath CA, dens eth desvelopament deths objectius fixats e atenhuts, dens ua mes grana presa en carga deth tribalh, dens de mes en mes de responsabilitats partatjadas. Açò que balhà era possibilitat

de cambiar de Secretari Generau pendent era annada e'ra cooptacion de membres naveths ath CA, tot aquerò qu'ei eth signe d'ua vitalitat qui anóncia possibilitats de desenvolupaments naveths.

Que's acotentam aici deths punts positius essenciaus, que n'i a d'autres mens importants. Mès que podem en demorar aici. Ara que cau passar entà çò de negatiu.

Çò de negatiu:

De segur, tot n'estó pas plan e que cau véier punt per punt çò de mau.

- Eth Butletin n'ei pas pareishut dab regularitat,
- N'i avó pas d'espandiment: comunicats de premsa, afichas...
- N'i avó pas de tribalh tà amassar Occitans dehens IEO-RP,
- Que i avó de questions tà partatjar eth tribalh,
- N'am pas enqüèra de locau,
- Animacion que s'a fotut en l'èr,
- Ua brocadura qu'estó començada e pas acabada,
- Question deras manifestacions centraus,

Eth Butletin n'ei pas pareishut dab regularitat:

Qu'am vist dejà eras arrasons. Problèmas de materiau d'arreprouccion e problèmas de sòus.

De segur aqueras questions que son prumèras pr'amor qu'interessen era seccion sancera. Que deven estar pausadas en prumèr donc. Alavetz que i tribalham, qu'am vist tot aquerò dab VVAP, que n'am parlat a "Pam de Naz". Mès qu'ei ua question qui dèu estar gahada dab serios e volontat vertadèra de trobar ua solucion. Açò qu'ei ar'empach deth cambiament dera nosta seccion e deth son desenvolupament. Ua question majora tàra annada qui ven e a inscriure ath cap deths objectius.

Donc, pausar era question deth Butletin qu'ei pausar question de materiau d'arreproduccion e de despensas.

N'i avó pas d'expandiment: comunicats de premsa, afichas...

Açò qu'èra ua condicion dera venguda possible d'Occitans despatriats tàra nosta seccion, tà estar coneishuts, tà hèr conéisher era nosta causa.

Atieu que i avó de punts de vista diferents ò de causas qui n'estón pas estar compresas. Tot aquerò qu'a provocat ua pèrta de temps. De segur qu'èra necessari un desbat, mès n'am pas sabut ò volut mià'c.

N'i avó pas de tribalh tà amassar Occitans dehens IEO-RP:

Aquera question qu'ei ligada ad aquera passada.

Que calèva pausar era question d'ua definicion d'ua politica d'amassament d'Occitans despatriats tà júnher era nosta seccion tà tribalhar tà deféner era nosta causa.

• Que i avó de questions tà partatjar eth tribalh:

En generau que partatjam plan eth tribalh. Mès açò qu'a pres drin de temps en ligason dab cambiament d'esperit. Un tribalh collectiu qu'a besonh d'ua solidaritat dens eth tribalh e que n'i a qui espèren trop deth vesin. Eth tribalh deths mes darrèrs qu'ei un bon exemple deth biaish de tribalhar.

N'am pas enqüèra de locau:

Açò qu'ei un problèma grave e qui ei un empachament tà desvelopar era nosta activitat e tà amassar compatriòtes.

Qu'am hèit tot çò de possible mès aquera question non pòt pas trobar de solucion unicament dens IEO-RP.

Animacion que s'a fotut en l'èr:

Aquera activitat qu'ei un punt negatiu hèra important e qu'ei possible de díser que sia eth mes negatiu.

Atieu que i avó ua mescladissa de punts de vista opausats e d'opausicions de personas.

Non tornaram pas sus tot çò de passat. Aqueths problèmas qu'an empachat d'amelhurar taulejadas e de hestejar com decidit.

IEO-RP que deveré definir ua auta politica d'animacion.

Ua brocadura qu'estó començada e pas acabada:

Ua acampada que's debanà tot un dimenge. Aqueth partir n'estó pas seguit per ua bona organisacion deth tribalh. Eth tribalh collectiu qu'estó abandonat. E après vacanças e auts tòcas qu'an hèit pèrder de vista aqueth objectiu.

Questions deras manifestacions centraus:

Eth hèit d'estar loenh de noste qu'ei ua causa hèra importanta.

Mès açò non pòt pas estar ua arrason tà non pas estar present dens manifestacions centraus.

Un tribalh de cambiament intèrne dera nosta seccion: de regularisacions administrativas, d'estructuracion: sectors e cap de sectors, un començament d'estudis, ua traformacion d'esperit de cap un tribalh militant e collectiu, atau que pòt estar resumit era annada de tribalh 1982-1983 de IEO-RP. Ua annada de preparacion deth terrenç tà cambiaments e desenvolopaments mes importants e hèra necessaris tà préner tota era nosta plaça dens eth movement occitan e'ra luta tàra nosta causa.

+++++ ++++++ ++++++ ++++++ ++++++ ++++++ ++++++ ++++++ ++++++ ++++++

PROGRAM D'ORIENTACION

1983 - 1984

+++++

S'eth Program dera annada passada qu'èra bastit sus un terrenç pòc coneishut, augan qu'ei possible de perpausar un program pausat sura experiéncia deth noste tribalh e ua coneishença melhora deths problèmas.

Donc que serà ua continuacion deth tribalh de cambiament, de preparacion deth utís necessari, mès tanben que serà eth comengamen deth tribalh que un IEO vertader [segon eths sos pròpis estatuts] e dèvia miar.

Atau eth objectiu generau, eth qui correspon ara tòca generau deth moviment occitan: bastir ua consciéncia occitana, difusir-la e desvelopar-la enter Occitans, amassar e organisar Occitans tàra nosta causa, que demòra.

Era continuacion deth bastir eth utís necessari e'th comengament deth tribalh vertader que deven estar orientats de cap ad aqueth objectiu generau.

Qu'ei pr'èmor de tot aquerò que i aurà de cambiaments d'estructuras e de responsabilitats tà mièlher botar en plaça objectius dera annada e miar, enfin, eth tribalh segon eth noste punt de vista.

Cambiaments d'estructuras:

Açò que correspon a ua amelhuracion dera nosta organisacion segon eths objectius, objectius hèits ò non [véier çò de negatiu dens eth Rapòrt d'activitat 1982-1983].

IEO-RP que dèu marchar sus eths sos dus pès: Estudis e Animacion. De mes qu'a besonh d'ua estructuracion intèrna e de desvelo-

pà's en amelhorar era soa preséncia entà dehòra.

Atau tà aténher tot aquerò, aqueths tres sectors que deven amassar hòrças qui son expandidas.

Aquera vista deras causas que va mià'ns a bastir tres sectors grans.

Sector Estudis:

Non tornaram pas sura necessitat deths Estudis dens IEO. Aqueth sector que va amassar dus sossectors: Arrecèrca e Formacion qui non poden pas estar separats, per estar diferents que son ligats deth punt de vista der'estudi e dera coneishença.

Que calerà ath cap deth sector Estudis un responsable tà hèr fonccionar eth tribalh, ajudat per responsable de Recèrca, Formacion e deth "butletin científic". Pr'amor que i aurà besonh d'un pichon "butletin científic" ò quauquarren aperat atau tà hèr conéisher eth tribalh d'estudis.

Sector Animacion:

Animacion que dèu estar era auta categoria de tribalh de IEO. Qu'amassarà eras activitats qu'interessan mes de monde dedens e dehòra de IEO-RP. Eth objectiu qu'ei de hèr arrenéisher e desvelopar tot çò qui hèr era nosta cultura ath nivèu populari: Danças, Lengas, Musica, Cant, Teatre, Hèstas e d'auts coma Randolejadas per exemple.

Aicí qu'ei d'organisar ua vita culturala occitana tà IEO-RP de segur mès tanben tà Occitans despatriats.

Animacion que dèu participar ara arreneishença dera vita culturala populària occitana. Atieu que i aurà besonh tanben d'un responsable.

Sector Espandiment:

Açò qu'ei navèth tanben. Que dèu respóner ath manque d'espandiment pendent era annada passada.

Que i a besonh d'un utís tà expandir informacion e propaganda dens e entà dehòra de IEO-RP. Que calerà un responsable deras ligasons dab prensa, tà enviar comunicats, articles, tà assegurar ua informacion permanenta e tà préner de contacts utiles dens aqueth sector.

Ath nivèu deth sector Espandiment que i aurà necessitat d'amasar totas informacions possiblas. Tà ajudar era realizacion d'aqueth objectiu que i aurà besonh d'un tribalh sura prensa tà recuelhir tot çò qui interesse Occitania. Donc un sector "Estudis de prensa" ò "Informacion" qu'ei necessari. Atau que serà possible de hèr passar d'informacions tà Ligar, tàth Butletin, tàra Radiò, mès tanben tà seguir era evolucion dera situacion en Occitania e donc interessa tot sector d'IEO-RP.

Librarià que serà aici tanben, pr'amor eth son tribalh que serà d'expandir, brocaduras, jornaus, ecà...

Que trobaram aici tanben un responsable.

Tot responsable d'un sector gran, que poderà hè's ajudar per autant de personas com volha.

Tot responsable d'un sector gran que serà present ath Burèu.

Enfin tot gran sector que s'amassarà tot mes.

Un aute punt hèra important: que serà balhat ua envelòpa financièra tà tot gran sector. Cada sector que serà responsable dera utilizacion deths sòus.

Donc autonomia mes grana deths sectors mès totun dens eth cadre deth program e deras orientacions dera Acampada Generau e enter AG deth CA e enter CA deth Burèu.

Secretari Generau:

Que serà responsable deth tribalh administratiu de IEO-RP e deras ligasons dab IEO-nacionau e autas seccions IEO. Que representorà IEO-RP ath CA nacionau.

President:

Que serà responsable deras ligasons de IEO-RP entà exterior, en ligason dab un responsable deras relacions esteriores.

Relacions esteriores:

Un responsable deras relacions esteriores: CAORP, Collectiu Occitan, autas nacionalitats e diversas organisacions...

CA:

Que s'amassarà totas 6 setmanas ò medish tot dus mes.

Cada responsable d'un gran sector ò ua auta persona delegada que presentora un rapòrt escrit suth[s] problèma[s] pausat[s].

Ordi deth dia fixat peth Burèu.

Eths nostes objectius:

En mes deths objectius qui demòran:

locau: que cau enquèra e tostemps tribalhar tà aténher aqueth objectiu; materiau d'arreprouccion: que dèu estar règlat hèra viste; definicion d'ua politica d'amassar d'Occitans despatriats; desvelopar era nosta preséncia dens manifestacions centraus.

Estudis:

Que cau anar en abans dens era estructuracion deth grop d'arrecèrca. Perseguir rencontras e discutidas, mès que cau començar a tribalhar ara arrecèrca dejà causida (exilhats a París) e definir autas questions d'arrecèrca e d'estúdia. Un bilanç deras rencontras ò un rendut-conte qui dèu estar hèit e expandit.

Formacion que dèu començar en octobre ò noveme. Que i a besonh d'un començament d'experiéncia atieu tà perseguir era nosta estúdia a perpau d'aquò.

Que cau estudiar era possibilitat d'un pichon "butletin científic", s'ei jutjat necessari.

Animacion:

Eths talhers que deven contunhar de segur.

Que-i a besonh d'un program d'activitats. Que dèu estar bastit e presentat hèra viste davant eth CA, program en ligason dab sòus.

Espandiment:


Après reglament deths problèmas de materiau d'arreproduccion, eth Butletin que dèu tornar gahar era soa regularitat.

Estudis de premsa: aqueth grop que devèva préner d'abonaments e organisà's tà arrecuèlher informacions.

Que cau estudiar dens aqueth sector era question dera aficha de propaganda, deths comunicats de premsa. Que cau estudiar tanben quauquarren de navèth, era edicion d'un Butletin (tot dus mes) de 4 ò 5 paginas d'informacions rapidas a perpau d'Occitania e tà envià'u entà agéncia de premsa a París, associacions diversas e organisacions politicas, embaishadas, ecà... Butletin en lenga francèsa.

Ara que i a dens era nosta seccion pro d'esperiéncia tà hicar en plaça dab imaginacion en deishar desvelopà's totas eras possibilitats pera autonomia de sectors, ua autonomia plan compresa de segur.

Ara eth tribalh vertader d'ua seccion IEO e pòt començar, que cau estar mes hòrts, units, solidaris dedens, mes presents entà dehòra. Atau que serà possible d'avangar entàra nosta causa



Naveira Corporals.

Opardel Nicol.

Etat des Finances le 18 05 1983

	MASSIC		SOLDES	
	Depenses	Revenues	Parties	Arriérés
TABLES BAS	8240,60 <i>(bon local en Mulle 1800F)</i>	12056,65		3816,05
ADHESIONS	5180,-	3553,-		4369,-
FETE Occitane		2388,50		2388,50
LIBRAIRIE	4197,15	2831,-	1366,15	
DANSE (Lours)		370,-		370,-
DIVERS (Ventes = autocollants, brevets cartes, ...)	740,-	1868,-		1128,-
FOURNITURES ad. de PIT, Lyon bulletin --)	4317,35		4317,35	
SALLES (CICP Valpère)	3169,21		3169,21	
COTISATIONS (Auto Pays 500, CICP 410, radio-basal - 200 Polytechnique, CAOP 200)	1310,-		1310,-	
DEPLACEMENTS (CA National)	784,-		784,-	
	27 947,31	28 673,15	10 946,31	12 671,55
	1724,84		1724,84	

Situation des finances le 28.05.80 = solde créditeur = 5325,80
 Résultat de l'exercice = - 1724,84
 Nouveau solde créditeur = 7050,64